

ক্লাস্টারের সংজ্ঞা ও ঋণের অনুমোদিত খাতসমূহ

সর্বোচ্চ ৫ (পাঁচ) কিলোমিটার ব্যাসার্ধের সুনির্দিষ্ট ভৌগোলিক সীমানায় অবস্থিত অনুরূপ/সমজাতীয়/সম্পর্কযুক্ত পণ্য উৎপাদন বা সেবা প্রদানে নিয়োজিত ৫০(পঞ্চাশ) বা ততোধিক উদ্যোগের সমষ্টি সামষ্টিকভাবে একটি ক্লাস্টার হিসাবে বিবেচিত হবে। এক্ষেত্রে ক্লাস্টারের আওতায় অবস্থিত উদ্যোগসমূহের ব্যবসায়িক শক্তি, দুর্বলতা, সুযোগ ও হুমকি হবে একই ধরনের। ক্লাস্টারের আওতাভুক্ত প্রতিষ্ঠানসমূহের পণ্য/সেবার ধরণ বিবেচনায় উচ্চ অগ্রাধিকার ও অগ্রাধিকারপ্রাপ্ত ক্লাস্টার হিসাবে চিহ্নিত করে বাংলাদেশ কৃষি ব্যাংক কর্তৃক অর্থায়ন করা হচ্ছে:

উচ্চ অগ্রাধিকারপ্রাপ্ত ক্লাস্টার	
১	কৃষি/খাদ্য প্রক্রিয়াকরণ এবং কৃষি যন্ত্রপাতি প্রস্তুতকারী শিল্প
২	তৈরী পোষাক শিল্প, নীটওয়ার, ডিজাইন ও সাজসজ্জা
৩	আইসিটি
৪	চামড়া ও চামড়াজাত পণ্য শিল্প
৫	লাইট ইঞ্জিনিয়ারিং
৬	পাট ও পাটজাত শিল্প
অগ্রাধিকারপ্রাপ্ত ক্লাস্টার	
১	প্লাস্টিক ও অন্যান্য সিনথেটিক শিল্প
২	পর্যটন শিল্প
৩	হোম টেক্সটাইল সামগ্রী
৪	নবায়নযোগ্য শক্তি (সোলার পাওয়ার)
৫	অটোমোবাইল প্রস্তুত ও মেরামতকারী শিল্প
৬	তাঁত, হস্ত ও কারুশিল্প
৭	বিদ্যুৎ সশ্রয়ী যন্ত্রপাতি (এলইডি, সিএফএল বাল্ব উৎপাদন)/ ইলেকট্রনিক যন্ত্রপাতি নির্মাণ শিল্প/ ইলেকট্রনিক ম্যাটেরিয়াল উন্নয়ন শিল্প
অগ্রাধিকারপ্রাপ্ত ক্লাস্টার	
৮	জুয়েলারী শিল্প
৯	খেলনা শিল্প
১০	প্রসাধনী ও টয়লেট্রিজ শিল্প
১১	আগর শিল্প
১২	আসবাপত্র শিল্প
১৩	মোবাইল/কম্পিউটার/টেলিভিশন সার্ভিসিং।

- উপরোক্ত তালিকা মোতাবেক ক্লাস্টারভিত্তিক অর্থায়ন করা হচ্ছে। তালিকা বহির্ভূত কোন ক্লাস্টার চিহ্নিত হলেও অর্থায়ন করা যাবে।

ক্লাস্টার ভিত্তিক অর্থায়নে ঋণ প্রাপ্তির যোগ্যতা:

- উদ্যোগটি সিএমএসএমই খাতভুক্ত হতে হবে;
- উদ্যোগটি উৎপাদনশীল বা সেবা খাতে নিয়োজিত থাকতে হবে;
- উদ্যোগটি সুনির্দিষ্ট ক্লাস্টারের আওতায় রয়েছে মর্মে নিশ্চিত হতে হবে;
- ক্লাস্টারের আওতাধীন উদ্যোক্তাদের সংগঠন থাকলে উদ্যোক্তাকে সংশ্লিষ্ট সংগঠনের সদস্য হতে হবে ;
- সিআইবি রিপোর্ট অনুযায়ী উদ্যোগটি ঋণ বিনিয়োগ খেলাপি থেকে মুক্ত হতে হবে ;
- সরকারী প্রতিষ্ঠান বা স্বনামধন্য প্রাইভেট প্রতিষ্ঠান হতে সংশ্লিষ্ট উদ্যোগ বিষয়ে ন্যূনতম ০১মাস মেয়াদী প্রশিক্ষণপ্রাপ্ত হলে ঐ সকল উদ্যোক্তাগণ ঋণ বিনিয়োগ প্রাপ্তিতে অগ্রাধিকার পাবে ;
- ক্লাস্টারের আওতাধীন নারী উদ্যোক্তাগণ ও বিশেষ চাহিদাসম্পন্ন উদ্যোক্তাগণ ঋণ বিনিয়োগ সুবিধা প্রাপ্তিতে অগ্রাধিকার পাবে।

গ্রাহক পর্যায়ে ঋণসীমা:

উৎপাদনশীল শিল্পে সর্বোচ্চ ৭৫.০০ কোটি টাকা এবং সেবা শিল্পে সর্বোচ্চ ৫০.০০ কোটি টাকা অর্থায়ন করা হয়।

ঋণের সুদহার:

ঋণের বিপরীতে সুদের হার হবে ৯%। সময়ে সময়ে ব্যাংক কর্তৃক পরিবর্তিত সুদহার এ ঋণের ক্ষেত্রে প্রযোজ্য হবে।

ঋণের মেয়াদ:

গ্রাহক পর্যায়ে ঋণের মেয়াদ গ্রেস পিরিয়ডসহ সর্বোচ্চ ০৫ (পাঁচ) বছর। উদ্যোগের ধরণ বিবেচনায় সর্বোচ্চ ৬ মাসের গ্রেস পিরিয়ড নির্ধারণ করা যাবে। মেয়াদী ঋণ মাসিক/ত্রৈমাসিক/ষান্মাসিক কিস্তিতে আদায়যোগ্য হবে। চলতি মূলধন আকারেও ঋণ সুবিধা প্রদান করা যাবে।

জামানত:

ব্যক্তিগত, সামাজিক বা গ্রুপ গ্যারান্টিকে ঋণের বিপরীতে জামানত হিসেবে বিবেচনা করা যাবে।

দেশের অর্থনৈতিক অগ্রযাত্রায় সিএমএসএমই খাতের গুরুত্ব অপরিসীম। গুরুত্বপূর্ণ এ খাতকে এগিয়ে নিতে ক্লাস্টারভিত্তিক অর্থায়ন বিশ্বব্যাপি জনপ্রিয় একটি ধারণা। সে ধারণাকে সামনে রেখে বাংলাদেশ কৃষি ব্যাংক কর্তৃক অগ্রাধিকার ভিত্তিতে ক্লাস্টারভিত্তিক অর্থায়ন করা হচ্ছে।